

月

外科理例

卷五十六

外科理例卷之五下

新安祁門朴聖王機首之編輯

同邑石擊門生陳楠惟宜較正

臂疽乙百十五

一人年將六十五月患右臂膊腫盛上至肩下至手指色
變皮膚涼六脉沉細而微此脉症俱寒乃附骨癰也開
發已遲以燔針啓之膿清稀鮮次日肘下再開之加吃
逆不絕與丁香柿蒂散兩服稍緩次日吃逆尤甚自利
臍腹冷痛腹滿食減時發昏憤灸左乳下黑灸處二十七
壯又處托裡溫中湯一兩半與服或曰諸痛瘡瘍皆屬
心火又時當盛暑而用薑附可乎予曰經云脉細皮寒
瀉利前後飲食不入是為五虛况吃逆胃中虛寒此症

內外相反須當舍時從症遂投之諸症悉去飲食倍進
瘡勢溫膿色正復用五香湯數服月餘而愈

機按此症多屬虛寒此方專用辛熱以治之其寒不
用參朮以補其虛蓋因吃逆腹滿乃氣鬱壅也想必
其人年雖老脉症雖虛而形骸頗實非冰虛吃逆比
一揮使臂腫一塊不痛不赤脉弱懶食時嘔以六君子二
加藿香酒炒為藥嘔止食進再以八珍湯四十餘劑
膿成刺之又以十全大補而愈次年傷寒後臂復腫微
痛乃傷寒餘毒也然無表症但虛弱耳先用十宣散四
劑取參耆芎歸扶助元氣防風桔梗白芷厚朴行散腫
結肉挂引經破血腫退三四再用八珍湯膿潰而愈至
冬臂復作痛因服祛風藥反筋攣痛甚此血虛不能養

筋筋靈不能束骨用加味十全大補湯二百貼而愈

一女臂患腫潰久不斂寒熱交作五心煩熱飲食少思月

水不通以逍遙散月餘少可更服八珍湯加牡丹皮

香附又月餘經通再加黃耆白斂兩月餘而愈此憑症也

一人臂腫患毒作痛服寒涼藥食少大便不實予用理中

丸二服更以六君子加砂仁藿香丹以托裡膿潰愈

此因治不應而變方也

凡瘡痛甚者若稟厚有火宜苦寒藥若稟薄者宜補中

益氣湯加芩連之類在下加黃柏入肥加荊防獨羌之

類取其風能勝濕也

一婦左臂胆經部分結腫一塊年許不潰堅硬不痛肉色

不變脉弱少食月水過期日晡發熱遇勞或怒則痛此

不足症也與參耆歸朮芍藥具毋遠志香附桔梗
牡丹皮甘草百餘貼而消此因症脉也

大抵婦病多起于鬱則氣血受傷百病生矣

一臂患漏口乾發熱喜膿不清稀脉來遲緩灸以豆豉
餅服八珍湯加麥門五味軟柴胡地骨皮三月餘而
愈後因房勞復潰膿清脉大辭不治果歿

河間曰因病致虛為輕蓋病勢尚淺元氣未虛也若病
初愈或飲食勞倦房勞加至羸損此因虛致損則為重
病勢已過元氣已索故也

一兒臂患痘毒作炒按之復起此膿脹痛也刺之以托裡
而愈

一婦臂結一塊已潰不斂灸以豆豉餅更服托裡藥而愈

一人年踰三十素怯弱不能食冷臂患一毒脉虛弱予以
托裡藥而消但飲食少思或作脹或吞酸日漸羸瘦參
苓等藥不應右尺脉弱此命門火衰不能生土遂以八
味丸補土之原飲食漸進而愈此憑脉症也

一媼左臂結核年餘方潰膿清不斂以十全大補湯三外
用附子餅灸及貼補藥膏調護得宜百貼而愈此憑症

一人多慮神勞年近五十左膊外側紅腫如粟予曰勿輕
視得獨參湯數斤乃佳數貼而止旬餘值大風拔木瘡
上起一紅線繞背抵右肋與大料人參湯加芎朮補齊

兩月而安

機按此係因形因經而為治也

一婦臂痛筋攣不能屈伸遇寒則劇脉緊細此良甫所謂
肝氣虛為風寒流于血脉經絡搏于筋筋不榮則乾急

為痛先用舒筋湯八更用四物湯九加牡丹皮澤蘭白
朮而愈亦有臂痛不能舉或轉左右作痛由中腕伏痰
脾氣滯不行宜茯苓九或控涎丹治之此因脉處之
一人手臂結核如粟延至頸項狀似瘰癧此風濕流注用
加減小續命湯七及四活寄生湯四更以托裡藥倍加
參耆歸朮百貼而愈

機按此條有症多味認作風濕流注而治當時必有
所見也後用補劑石貼而愈是終不離于靈也

一兒三歲臂患毒炊痛服解毒丸搽神功散六而消此條

不辭當時嘗治臂毒五以閉煩燥服五福化毒丹九亦効

若膿成急刺用紙撚蘸麻油絀瘡內以膏藥貼之若兒
安靜不必服藥候有膿取去仍用絀貼

一人肩患疽脉數飲槐花酒一服勢頓退再與金銀花黃

耆耳草十餘服而平此憑脉也

槐花治濕熱之功最為神速胃寒不宜過劑

尹老家貧形志皆苦自幼顏疔孟冬于手陽明大腸經分

出癰第四日稠膿臂外皆腫痛在手陽明左右經中其

脉俱弦按之洪緩有力此得自八風之變以脉斷之邪

氣在表飲食如常大小便如故腹中和口知味知不在

裡也不惡風寒只熱躁脉不浮知不在表也表裡既和

邪在經脉之中故曰疑于血脉為癰是也癰出身半已

上故風從上受因知為八風之變而瘡只在經脉之中

法當却寒調和經脉中血氣使為凝滯可愈矣宜用以

白芷升麻湯頌三

機按此方舉一身而言故陽明為一身之中若以各
經言之而陽明亦自有表裡中三等之劑太陽亦有
表裡之中之方餘經皆可以類推也

一人年踰三十臂患癰潰而不痛膿稀脉弱丹溪曰疽潰
深而不痛者胃氣大虛不知痛也東垣曰膿水清稀瘡
口不合氣血俱虛也理宜大補彼不聽服消毒藥氣血
愈虛遂不救

丹溪曰總見腫痛參之脉症倘有虛弱便與滋補氣血
可保終吉又曰潰瘍內外皆虛補接為主茲則見善不
從自用已智寧免死乎

一人年逾四十臂患毒瘡痛作嘔服托裡消毒藥愈盛予
用涼膈散二劑頗退更以四物湯加芩連四劑而消

機按此則所謂腫瘍熱毒攻心而作嘔也

一人兩臂腫痛服托裡藥日盛予謂腫屬濕痛屬大此濕熱流注經絡也用人參敗毒散加威靈仙酒炒黃芩南星數劑漸愈更以四物湯九加蒼木黃柏桔梗二十餘劑而消按此托裡藥日盛故改作濕熱治也

一尚書左臂肘患一紫泡根畔腫赤大勝脉疔予謂此主失血或積血公曰血痢未瘳以芍藥湯抗二劑更以人參敗毒散六二劑瘡痢並愈

機按用芍藥湯以治血痢用敗毒散以治紫泡但所錄脉症未甚詳悉觀其所治多屬血熱而近實也

背疽百十六

癰痛或不痛及麻木者邪氣盛也隔蒜灸之痛者灸至不

痛不痛者灸至痛毒隨火而散再不痛者須明灸不痛之或黃連解毒散之類

右關脉弱而肌肉遲生者宜健脾胃

頭痛拘急乃表症先服人參敗毒散一二劑如喉痛用金銀花散或槐花酒神効托裡散

痲痛腫硬脉實者以清涼飲仙方活命飲皆參丸

腫硬木悶疼痛發熱煩燥飲冷便秘脉沉實者內疎黃連湯或清涼飲大便已利欲得作膿用仙方活命飲托裡散蠟礬丸外用神異膏

飲食少思或不甘莢用六君子湯加藿香連進三五劑更用雄黃解毒散洗患處每日用烏金膏塗瘡口處候有瘡口即用紙作捻蘸烏金膏貼入瘡內若有膿為脂膜

間隔不出而作脹痛者宜用

引之腐肉者塞者去之

若瘀肉腐動用猪蹄湯洗如

稠或痛飲食如常瘀肉

自腐用消毒與托裡藥相兼

之仍用前二膏塗貼若

腐肉已離好肉宜速去之如

不稠不稀微有疼痛飲

食不耳瘀肉腐遲更用桑柴

之亦用托裡藥若瘀肉

不腐或膿清稀不嫩痛者急

大補之劑亦用桑柴灸

之以補接陽氣解散鬱毒

大抵氣血壯實或毒輕少者

假藥力或自腐潰怯弱

之人熱毒中膈內外不通不

針灸藥無全功然此症

若膿已成宜急開之否則重

潰通臟腑腐爛筋骨輕

者延漬良肉難于收功因而不

欵者多矣

一人患此痛甚服消毒藥愈熾予

為隔蒜灸之而止與仙

方活命飲二劑頓退以托裏藥潰而愈此憑症也

一婦發熱煩躁飲冷與黃連解毒湯四劑少愈更與托裏

消毒散始潰與托裏藥而飲此憑症也

一人已愈惟一眼出努肉如菌三月不愈乃傷風寒也

以生豬油調藜蘆末塗之即愈亦有努出三寸許者烏

梅全之亦効但緩硫黃亦可此憑症也

一人年踰五十患已五日喉腫六痛赤暈尺餘重如負石

勢熾當峻攻察其脉又不宜遂先砭赤處出黑血碗許

腫痛背重皆去更敷神効散又服仙方活命飲二劑瘡

口及砭處出黑水而消此憑症也

大抵瘡毒勢甚若用攻劑怯弱之人必損元氣因而變

症者多矣

一人嗽腫作痛脉浮數與內托復煎散二劑少退與仙方

活命飲四劑痛止而潰再與托裡藥而愈此憑脉症也

一人每勢熾甚痛不可忍諸藥不應以仙方活命飲二劑

諸症悉退又二劑而潰以金銀花散六劑而愈此憑症也

一人厚味氣鬱形實性重年近六十背疽醫與他藥皆不

行惟飲香附末甚快自腫至潰始終只此一味而安然

此等身實而又病實蓋千百而一見也每思香附經不

言補惟不老湯乃言有益予老人用片子姜黃甘草香

附三味以不老為名且引鐵龍先生與劉君為證夫豈

無其故哉蓋于行中有補之理耳天之所以為天健而

有常因其不息所以生生無窮正如克壽活血行氣有

補陰之妙故名益母胎產所恃者氣血也胎前多滯產

後無虛以其行中有補也夏枯草治瘰癧亦然此因情
一人感冒後發瘰不醒人事磨死臂肉三寸許一塊此膀
腕經必有濕熱其脉果數予謂死肉最毒宜速去之否
則延害良肉多致不救取之果不知痛因瘰不止疑為
去肉所觸予曰非也由風熱未已彼不聽另用乳浸之
劑愈盛復請治予以怯風消毒敷貼飲以怯風涼血化
痰降火之劑而愈 按此因脉因症而處治也

一通府發背十餘日勢危脉大生飲槐花酒二服殺其勢

退再飲敗毒散 二劑更飲 此裡藥數劑漸潰又用桑

柴燃灸患處每日灸良久仍 貼膏藥灸至數次膿潰腐

脫以托裡藥加白朮陳皮月 餘而愈

按此先發後補當時必有 見也惜乎脉症不甚

一縣尹發背六七日滿背腫痛勢甚已隔蒜灸百壯飲槐
花酒二碗即腫覺用托裡藥消毒十去五六令將桑柴
燃患處而潰數日而愈

一侍御髀骨患毒痛甚服消毒藥不減飲槐花酒一服勢
隨大退再用托裡消毒藥而愈

大抵腫毒非用蒜灸及飲槐花酒先殺其勢雖用托裡
諸藥其効未必甚速

按前條皆先
後補法

一園丁發背甚危取金銀藤五六兩搗爛入熱酒一鍾絞
取汁溫服相繼患處四五服而平彼用此藥治瘡足以
養身成家遂棄園業蓋金銀花治瘡未成即散已成即
潰有回生之功

一婦半月餘尚不發起兩作膿痛甚脉弱隔蒜灸二十餘

壯而止更服托裡藥漸潰膿清而瘡肉不腐以大補藥
及桑柴灸之漸腐取之而尋愈

此憑脉症也

一人腐肉漸脫而膿微清飲食有味以十宣散去白芷防
風加茯苓白朮陳皮月餘而斂

此憑症也

一人將愈但肌肉生遲脾胃俱虛以六君子湯加芎歸五
味黃耆治之而愈

此憑症也

一人已愈惟一口不斂脉浮而瀉以十全大補湯治之而

愈

此憑脉也

一老人七十餘背疽徑尺餘雜服五香湯十宣散數十貼
膿血腥穢嘔逆不食旬餘病人自言服十宣散膈中不
安且素有淋病三十年今苦淋痛嘔逆及不得睡而已
急煎參耆歸朮膏以牛膝湯入竹瀝調化與之三日盡